

Protocol
dalla radunanza digl
cumoin da vaschoins Lantsch

Marse, igls 23 da zarcladaur 2026, allas 19.15
an tgeasa da scola, Sala sot igl tez

Igl parsaura Daniel Ulber benevainta igls preschaints e metta avant suandonta glesta da tractandas:

1. Eliger dombravausch
2. Rapport annual 2025 e rapport digls revisaurs
3. Dumonda drez da biasear pi manevel Michael Bont, parcella 62 tar prcella 65 per containers da biro
4. Consentimant ratrer meds or digl conto da retgav da fons
5. Varia

Preschaint en 6 vaschoins

1.Eliger dombravausch

Scu dombravausch vign elisi Conrad Simeon.

2.Rapport annual 2025 e rapport digls revisaurs

Igl cumoin da vaschoins o da dar sau mintg'onn en rapport annual ed igl rendaquoint li uffezi da cumoins.

Igl rapport annual 2025 vign lisi avant digl president.

Igls revisaurs on examinò igl quint e la gestiaun digl cumoin da vaschoins e faiz en rapport correspondent.

Igl rapport annual ed igl rapport digls revisaurs vign approu cun tot las vauschs.

3.Dumonda drez da biasear pi manevel Michael Bont, parcella 62 tar prcella 65 per containers da biro

Michael Bont ò l'intenziaun da plazzar sen la parcella nr. 62 ainten la zona d'abitar e da mastiranza en container da biro.

Igl container da biro duess gnoir biasea sainza fundamaint e sainza attatg d'ava e niro avoir ena surfatscha da stgears 25 m2. Cunquigl vala igl container da biro tenor lescha da gôt cantunala (KWaG; BR 920.100) scu biez pintg. Cunquigl tgi sa tracta d'en biez pintg, o igl uffezi da gôt e prievels dalla natoira mess an vista ena lubientscha excepziunala dalla distanza minimala da 10 meters agl gôt tgi sto schiglo gnoir risguardada, vot soir igl container da biro pò gnoir plazzo anfoinen sigl cunfoin dalla parcella resp. sigl cunfoin digl gôt. La parcella cunfinonta nr. 65 «Got Grond» è an proprietad digl

cumoin da Lantsch. Per dar en drez da biasear pi manevel dovrigl ear igl consentimaint digl cumoin da vaschoins.

Igl drez da biasear dess gnoir concedi sainza indemnisiaun.

La dumonda pigl drez da biasear pi manevel vign concedi dalla radunanza unanimamainz.

4.Consentimaint ratrer meds or digl conto da retgav da fons

Ainten igl seas quint maina igl cumoin politic in “conto da retgav da fons” (Bodenerlöskonto). Quell conto e gni alimento antras retgavs dalla vendita da facultad d'adiever. Segl conto egl soi ina facultat da CHF 51'000.

Igl cumoin politic less schliear soi quell conto, meds finansials dastgan pero angual gnoir ratrez digl conto da retgav digl fons sin basa d'in conclus concordant digls organs cumpetents digl cumoin da vaschoins e digl cumoin politic (art. 50 dallas nossas statutas). Tenor nossas statutas, art. 32 totga igl consentimaint da prelevaziaun da meds or digl conto da retgav digl fons ainten la competenza dalla radunanza da vaschoins.

Tenor lescha cantunala en quels daners da duvrar per ina cumpensaziaun reala e per miglurar alps, pastgoiras e manaschis da tgeasa (art. 46 lescha da vischnancas).

Igl cumoin politic e vitlonder da sanar las voias da fons. An quell conex vignan las voias persolit surpiglea digl cumoin. I vign proponi da duvrar daners digl conto da retgav per cumprar or las voias da fons. Quigl corresponda ear an tot cass agl sen dalla lescha.

Unanimamainz dat la radunanza la cumpatenza alla suprastanza da ratrer igls daners per quel scopo.

5.Varia

Urs Baselgia vot savair, schi dat ina glesta cun tot igls burgais tgi stattan betg a Lantsch? Sin quella dumonda o gnoin savi dar ina rasposta.

Igl president seara allas 19.40 la radunanza.

Igl president

igl actuar

Daniel Ulber

Simon Willi

Siva dalla seduta o ina dumonda tar igl uffezi da stadi civil Alvra pertutgont burgais da Lantsch purto igl suandont resultat (per 29-06-2026):

Domber da vaschoins e vaschoinas an veta: 1444

398	Simeon
152	Degiacomi
111	Nadig
78	Baselgia
64	Ulber
63	Jost
43	Willi
22	Sebrigondi
20	Bläsi
19	Balzer

Mano soi en sulettamainz noms da famiglia tgi cumparan duple tgi 10 geadas